

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Das 9. Cap

[urn:nbn:de:bsz:31-326211](https://nbn-resolving.org/urn:nbn:de:bsz:31-326211)

sondern vom Handel ablassen müs[8]sen vnd sich gleich daselbsten zum allernächsten bey ihnen, mit dem Heer nidergeschlagen, vnd den Nachtläger genommen, der meynung, auff den andern folgenden Morgen weiter mit ihnen zu handeln.

Das 9. Cap.

Wie gegen den Bodenseehischen vnd Algawischen Bawern gehandelt worden.

Auff den 17. des Monats Aprilis, hat sich der Mannlich Herr, Georg Truchseß Oberster Feld Hauptman, widerumb mit seinem vndergebenen Kriegsvold erhaben, zunächst auff den Bodenseehischen vnd Algawischen Hauffen gezogen, Als er nun gen Bayersfurt kommen, seind die beede Hauffen innerhalb der Schussen, auff der Höhe, neben dem Berg, in grosser Summen gelegen, vnd etliche Wingert eyngehabt, ehe aber Herr Georg das Kriegsvold vnd Geschütz zu Bayersfurt durch vnd vber bringen mögen, haben sich die Feind wider eylendts vber die Schussen gethan, durchs flache Feld, auff Wingerten geruckt, welche der Keyßig Zeug angreifen wollen, aber Herr Georg, vmb vsachen, solche Bawren auff 16000. starck, vnd viel versuchtes gutes Kriegsvold darunder gewesen, zu deme, das Geschütz so schnell an solche Bawern zu bringen, nicht wol möglich, er Hauptman als ein versündiger, versuchter, fürsichtiger Hauptman, so ferr bedacht, die merckliche Gefährlichkeit, Schimpff vnd Spott, so vielleicht darauß entstehen möcht, ihn den Keyßigen zu der Zeit einigen Angriff keines wegs zuerstattten, noch etwas thätlichs fürzunehmen verhengen wollen, dargegen sich aber mit höchstem fleiß bearbeitet, wie er das Geschütz in sie bringen, welches er schnell in sie gericht, ihnen damit mercklichen abgebrochen, vnd viel Schadens zugefügt, vnterdessen ist des wolgebornen [9] Graffen, Hauffen von Montfort, deren von Ravenspurg Gesandten, der Kreglein vnd Stattschreiber, auch Wolff Gemlich antommen, vnd die thätliche Handlung, durch ihr fleißiges embfüges bitten vnd vnderhandeln, in ein Anstant gebracht vnd gethaintet

worden, Herrn Georg Truchsessen zum euffersten vnd höchsten bittend, als viel möglichen, solchen Christlichen Menschen Bluts gnädig zu verschonen, vnd die beede Hauffen bey des löblichen Bundts hie vorn für geschlagenen Mitteln, verbleiben zu lassen, welches Herr Georg zu lezt angenommen, vnd beede Hauffen dahin gebracht, daß ihre Hauptleut vnd sie, ihne Truchsessen vmb verzeihung vndt gnad gebetten, ihm auch all ihr Fäbullein vberantwortet, seind darauff folgenden Tags, die Verträge gebührender massen darüber vffgericht worden, die Hauffen sich darnach getrennt, vnd voneinander gezogen.

Das 10. Cap.

Wie vnd welcher gestalt sich dieses Vbel erweitert.

Als nun der tausentsaltige Werkmeister Satan, der, wie Christus von ihm meldet, ein Mörder, Todschläger vnd Lügner, ein Feind Menschliches Geschlechts, vnd Stifter alles Vbels vnd Zwitterchts, vnder solchen beschwerlichen gefährlichen, ihm aber wolgefälligen Handlungen, als der vff seinen Raub vnd Gewinn hoffet, keines wegs sehyret, bracht er zu wegen, daß durch etliche seine anhangende Diener, wie dann man sie auß ihren Früchten erkennet, vnder dem schein des H. Evangelij (welches warlich, in rechtschaffener Betrachtung, ein Trost aller sündigen vnd beschwerden Gewissen, darzu ein Spiegel aller Gehorsamen,) Als nemlich in gestalt alles guten, (gleich wie er vnsern ersten Eltern gethan, dieselben betro- [10] gen, vnd von Gott dem Allmächtigen abzuweichen verreizt hat,) etliche vffrührische Artickel, mehrentheils auff die Freyheit des Fleisches gericht, allenthalben Teutscher Nation außgebreitet worden, welche meines erachtens, von einem verkehrten Mann, zu Mülhausen in Türingen, Thomas Münzern, ursprünglichen hergestossen, wie dann derselb zu jederzeit bey den Hauffen durch seine Botschaft, die fürnehmste Practick vnd Anschlag dieser Sedition gehabt, vnd zum Werk gericht. Nach dem aber der gemeyn Pöfel, so ohne das selbs zur Freyheit geneigt,